

# إنسان

الهيئة العامة لقصور الثقافة  
إقليم شرق الدلتا الثقافي  
فرع ثقافة كفر الشيخ



صبحي سعيد

شعر



# إنسان

شعر

صبحي سعيد

رئيس الهيئة العامة لقصور الثقافة  
الشاعر / سعد عبد الرحمن

رئيس مجلس الإدارة  
مهندس / حافظ عيسوي  
المكاتب العام

مدير عام الثقافة بكفر الشيخ  
والمكلف برئاسة إقليم شرق الدلتا  
إبراهيم فهمي الرفاعي

نائب رئيس مجلس الإدارة  
لواء / سعد عبد العظيم  
المكاتب العام المساعد

رئيس التحرير  
الشاعر/ محمد محمد الشهاوي

سكرتير التحرير

وديله عاشور  
إبراهيم العشري

## ولثقافة كلمة

في خطوة جادة على طريق حل مشكلة النشر لأدياء كفر الشيخ عامة والأدياء الشبان خاصة تأتي سلاسل الإبداع في شعر الفصحى والعامية والقصة القصيرة بدعم كامل من السيد اللواء محافظ كفر الشيخ إيماناً منه بدور الثقافة والمثقفين في التفاعل مع قضايا المجتمع وتنمية روح الانتماء .

فصدر العدد الأول من سلسلة " من أغاني الحساسين وسلسلة حكايات ضمن فعاليات مؤتمر الفرع الأدبي بمطويس ٢٠٠٨ ثم صدر العدد الثاني ضمن فعاليات مؤتمر الفرع الأدبي ببلطيم ٢٠٠٩ . ثم صدر العدد الثالث ٢٠١٠ .

وها نحن الآن بصدد العدد الرابع من هذه السلسلة التي وضعت حلاً لمشكلة النشر بالمحافظة والتي تصدر ضمن فعاليات مؤتمر الإقليم بكفر الشيخ هذا العام لـ ٢٠١٠ وشعراء كفر الشيخ يتوجهون بخالص الشكر للداعم دوماً اللواء / أحمد زكي عابدين على هذا الدعم واعدن مسيخته وقادات الهيئة العامة لقصور الثقافة متمثلة في رئيسها الشاعر / سعد عبد الرحمن على أن يظل نهر عطاء أدياء كفر الشيخ متدفقا سلسيلاً ضارباً المثل في القدوة الحسنة والمثل الأعلى دائماً رافعين لواء الكلمة الجادة والموقف النبيل في كل قضاياهم الأدبية .

مدير عام الثقافة بكفر الشيخ  
والمكلف برئاسة إقليم شرق الدلتا  
إبراهيم فهمي الرفاعي



إهداء :

هل لي لغيرك يا أبي  
أقول يومًا : يا أبي !!  
هل ترتضي ؟  
إلى أبي





## اشتباه

ليه بناخد كل حاجه بالشبه ؟

نرحل ما ناخذ أى حاجه ..

يشتبه فينا الكلام

حتى النداء بيتوه فى دُغليشة ضمير

لحظة يغيب الحس نرضى

يشتجر فينا الأمان

ويعشش الخوف ع البيوت

ونموت فى روحنا ألف موت

نطرحه .. !

يطرحنا صوت

لكن أسير

عنوان بلدنا الطيبة

# إنسان

يخدك من مين ؟  
يخدك على فين ؟  
يخدك ويسدّ مين الدين ؟  
مدّ مجرور  
فاعل مفعول  
فوق حرف الخوف  
مع دفيا تشوف  
شوف العميان  
يا تكون .. يا تكون  
مسكون بجنون  
بيلم جراحه ضمير الكون  
بيكايد فيه الحُب بحُب  
ويعاقر يطلع برّه الجب  
يصادق فيه وجدان وعينين

شايلىن الحلم الـ ياما انهـد  
بتتادى الفارس ؟  
طاب مين هايسد فى وقت الجد ؟  
يحس الأرض ؟  
ويفرد فوقها جناح الغيم ؟  
يروى ضميرها أذان بأذان  
يزرع فيها سلام فدايين  
على آخر حتّه من الموائيق  
الخلف خلاف  
اللقمه لحاف !  
العجز طواف  
لكن حوالين حبة مسخيط  
الكون قرابين  
بيوزّع منه عليه بالدين  
يَا الرّايحين حلم الجايين  
شأخص بروحين  
طلقة إنسان

أهو لحم ودم  
مع حبة حس  
بيمس ملاك  
إنسان .. إنسان  
مش ديل لشيطان  
حتى ولو هان  
الدين إنسان

## شهد من ملح الحياة

أنا يا ابا مش عارف أقولك إيه ؟

لكن أكيد

عارف دا ليه

حُب اللي زيك

أى كلمه عاجزه فيه

وكفايه إنك

أما بمشى ويا منك

يحسبونا اتنتين خوات

روحي تسرح جوّه نذك وشوشات

تهدى كلمه فيا غنوه

تمحى آلام الساعات

لما تنده لينا لمة

نهم همّة تصفنا

حوالينها طبلية عشا  
تسألنا مين صلى العشاء ؟  
مين بكى ؟  
مين انتشى ؟  
مين فى جوفه اللقمه باتت ؟  
قبل ما يسأل أخوك : إيه آخره ؟  
إيه اللي ع الجوع صبره ؟  
حس الفراق ؟  
يا نبع راق للحب ولغيره ما راق  
أنا طرحك الفارد جناحه فى السما  
بيتباهى بيك  
أنا سهم نافذ بالإشارة من إيدك  
أنا ليك أبى  
أنا ليك يا كل ما فىا منك والأمل  
سورة عمل  
مطلعها أنت وطلعها إحنا

وَيَا أُولَ خَيْطِ لِنُورٍ  
طَلَّتْهُ مِنْ بَيْنِ عَيْنَيْكَ  
رُحْنَا نَسْعَى فِي أَرْضٍ وَاسِعَةٍ  
وَسِعَ قَلْبُكَ  
نَبْنِي حَلْمَكَ  
شَهِدَ مِنْ مِلْحِ الْحَيَاةِ  
وَنَمْدُ فِيكَ

اللَّهُ عَلَيْكَ  
وَقْتُ بَرْدِ الْخَوْفِ يَأْخُذُنَا  
فَتَحَاوِطُنَا تَلْقَانَا بِلِحَافِ فُؤَادِكَ  
وَيَا رَكِيَّةَ شَايِ حَنَانِكَ  
تَحْتَوِينَا .. نَحْتَوِيكَ  
تَرْضِينَا .. نَرْضِيكَ  
نَشْكُرُ الْمَوْلَى عَلَيْكَ

## إعلان وجود إنسان

نسى الشاعر يموت  
حتى اما جاله الموت  
بسكوت مفهش سكوت  
هذب نخيل الروح  
صحى الأمل ع البوح  
ملكوت وصل ملكوت  
هم وزرع إحساس .. يتنفسوه الناس  
فى كل لحظه وحين  
دوب جليد الصمت  
فى حضرة الغاييين  
فى دوحة الكلمة  
شب الغياب إعلان  
إعلان وجود إنسان  
جانب السما بيظوف



من تحت أى ظروف  
خائق بإيده الخوف  
مهما عليه بتقوت جرافة الأوهام  
مهما تحط .. تطوف  
ريح السموم أنسام  
مهما يلقى حتوف  
الحتف فيها نيشان  
ليه ترتجف والموت  
جايلك عشان يحييك ؟  
سمّاك شهيد والكون  
شاهد برغمه عليك  
مدد القلوب مكنون  
متأصله غناويك  
متعلمه الإقدام  
سجّل : هنا شاعر  
سطرّ ميلاد الأرض  
وارتاح عليها ونام

# العيد

الكل عيدٌ  
وهيَّ .. ؟  
لسآها في حدادها  
طفلها  
نفسه يعيدُ  
يشترى لعبه  
ويلعب  
زى باقيّة العيال  
لكن ميلاد الهم فيه  
لبسه توب الرجال  
ما عرفش يخلع نفسه منه  
فانزّرع دفه وقنال  
لجل يعبر نفسه ليها  
يحضن الفرح الـ ... محال

## صباحك شعر

صباحك شعر متعطر

صباحك شعر متغير

صباحك شعر متعطر بأسحارك

صباحك شعر متغير بأسرارك

صباحك شعر متعطر بأسحارك

ونور الشمس

صباحك شعر متغير بأسرارك

وهم الأمس

صباحك شعر متعطر بأسحارك

ونور الشمس في قلبك

صباحك شعر متغير بأسرارك

وهم الأمس في جنبك

صباحك شعر متعطر بأسحارك  
ونور الشمس في قلبك عيدان فضه  
صباحك شعر متغير بأسرارك  
وهم الأمس في جنبك بيتوضي  
وأنا الواقف ما بين حدين  
بلا قبله  
وشدّت حيلي يتعافر  
تبات مكسوره  
وف بكره  
تقوم غضنه

## صحيح خايف

على طول ما بتشوفنيش

هو انت ليك .. وليك ؟

قاصد

ما تعرفنيش ؟

طب بص جوا عنيك

بيصيني سهم الموت

يقتلني وانت تعيش

واللى انت شايفهم

أصنام

دايرين حواليك

مستنين تعتر

هايطلّعوا السكاكين  
ويفضوا مقدارك  
ويلغوصوا المواعين  
ويهربدوا دارك  
ويمكنوا الملاعين  
منك بأحقّر بيع  
وما زلت مش شايف ؟  
يمكن صحيح خايف  
لك حقّ ما تشوفنيش !

## طرح الشجر والبحر

وما عرفتوش  
غير إنه شايل هم  
متأخر عليه  
يدفع على كل السكك منه  
طرح الشجر والبحر  
يتنفس الحلم الزفير  
وقت الغروب  
يسكن عنيه  
نص ميت .. نص حي  
يلمحه  
أموات هنا .. أحياء هناك  
فى المبتدا  
كان منتهاك

صب بيعافر فى موته  
وكاس حياته بينكسر جوّاه  
ولا قالش " آه "  
لسّه الحياه .. فيها حياه  
يا طوفان بيترجّى الأمل  
على صدر موت  
هزّه الكلام  
لمّا انفجر بيه السكوت  
لجم إيديه  
حجّب عنيه  
شاهد ميلاد  
كل اللى سافر فيه  
ولا يعرفوش  
غير إنه حضن  
احتاج لحضن  
يموت عليه



## عهد العبيد

كان نفسي لكن  
كل الأماكن موحله  
كان نفسي لكن  
كل المعاني مؤلمه  
وجراحها فيا معلمه  
في كل نشره مقدمه  
قُتِل .. جُرِح .. أُصِيب .. تَقَرَّر  
حظر تجوال ع المقرر  
من جموع السوسنه  
شهدت عليا ومين شهد على إنها  
ما شافتش حاجه ؟  
غير اللى عايزه تشوفه هي

مَنِّي لَمَّا احتَاجَها هِيَّ  
أَلزَمَتَنِي حُبُّ ضَدِي  
اصطَفَتْ غَيْرِي يَعْدِي  
يَقْطِفُ الشَّهَدَ الرُّضَابُ  
وَيَسَاوِمَنِي عَ اللِّي بَاقِي  
مَنِّي فَيَا  
وَيُوَاعِدُنِي بِأَلْفِ بَكَرِهِ  
وَعَدِ خَيْرِ  
حَتَّى يَظْهَرِ  
يَطْوِي صَفْحَةَ كَانِ عَلَيَا  
يَبْتَدِي  
عَهْدَ الْعَبِيدِ

## قلب الجبل

يا.....اه

يا أبو القلب الجبل

إمتى انحنى ؟

صوتك اللي اتزلزلت منه الشوارع

والمدن جوّاي

لسّاه كما امبارح في حلمي

ذكرياتي

با احن له

أرتاح على صدره

أتداري فيه

أعمل له ألف حساب

ريحه لو مرّت عليّا

أحس فيها بعنف جان

مارد فى إيدہ الأرض

أدوب فى جلدی

ينكسر حلو الكلام

معقول هيجى اليوم !؟

وجه

يترجى من طفله الحنان

يصير صغير

يزعل لحاجه ما تتعرفش

أقل حاجه تفرحه .. بينام

ينسى الهموم من كترها

برك الجمل

واتسحرت فيه الألام

من غير ما ينطق

حتى : آه

## لحظة ميلاد الحرف

كلمه ..

فى روحك !

تغروده ..

من بوحك !

تفرد وطن فيا

تجتثى م الموت

على صدر عاش ليا

وتردنى معنى

بعد اغتراب الجرح

رشفة أمل تعصر

من طرحها للفرح

تروينى من زمزمك  
لحظة ميلاد الحرف  
أصعد فضا سلمك  
أعزف أنين الناي  
سطين بلون دفترك  
حرفين على معبرك  
خطين بطول المدى  
وانت المدى جواى  
يا حضن ضم الهوى  
علمنى  
أموت ازاي ؟

## مسحراتى الحب

يا مسحراتى حضورك  
زان حروف الشعر آيه  
نبئت صبح الكلام  
وصبح وسام إنى أننمي لك  
أو أميل لك بالغرام  
من قلب حبك لؤلؤه فى الروح  
لقلب حس إن المدى والبوح  
هوأك

يا أمير مغامر فوق حصان الشعر  
والحس الملاك  
يا البلبل الصّداح  
بتغريد الأمل فى الليل

والفارس الأخضر  
وقت انتشار الجذب  
فى صرخة المواويل  
نبض المطر والسيل  
يجرفنى حضنك  
يهدى فيّ دليل  
إنك إمام لأمام  
يا مسحراتى الحب  
جند رؤى الأحلام  
طيب تراتيلى  
فى جنة الأيام



## تعلن وطن

انتظر فيك

انتظر

اجتر ذلك واعتذر عنك إليك

وَسَّ الوابور الجاز ما عاد يمسح لجوع

دمعه في عيون

ولا حتى يتسول رغيف من جراب الشبعانيين

الخلق طين متعبين وانت في ميدان

فارش حصير قلبك

يعدى عليه جبان

ويسوى فيك صوت الخرّس

دفتر غياب

الكل غاب

مزروع فى ساحة الاغتراب  
احظر تقرب  
انتظر !!  
إذن الإياب  
لحظة ما يتحدّد رحيلك م الوجود  
كانت تمام الصفر  
جاها " مُنتظر "  
آمن وكل الناس هجر  
آمن وبالأنصاب كفر  
اشتد صوتّه ع الوثن  
طير شظايا جذمته  
تعلن وطن

## حوريه

الصوره ليه متبعتره ؟  
أقمار بتطلع للورا  
فى صحن خلفية حداد  
الكون عيون متسمّره  
بتشاهد الطرح المُعاد  
فوق طاولة البيع العلن  
نهر النزيف  
لسّاه ما كفّاش الحاخام  
مصّاص حياة قلب البراءات الفصيحه  
من زهور الأبجديه  
الصلبه فيها  
رغم أعوادها الطريه  
الكات بتحلم بالفرح والأمنيات  
وحاجات كثير اتيتمت فيها الحاجات  
اتهجلت .. تنزف بحبك يا وطن

وضريبة الحُب الآهات  
طلقات رصاص المغتصب  
ما زحزحت حُب استمات  
نشع بأوصال الأمل معانيه  
قاسم شقوق الأرض من دمه  
لجل أما ينضخ حُر كل ما فيه  
ويفك تعصية عينيه  
ينهض لأم جروحه  
حرقته .. تعازيه  
يغسل وريدها بالحياه  
ويذف أعراس المدائن بيه  
لحظة يدوس الذل يجتثه  
يشرق نهار العزّه من مراويه  
يرفع أذان النصر فـ يلتى  
كل الورى تفديه  
حوريه نورها السما  
وسماها أرحب ليه

## وش الشمس

شَقَّتْ فاسك قلب الأرض  
شدت منها الرمق الحى  
ليه ما حاولتش مرّه تشق القلب الظالم ؟  
تجليه ضى ؟  
آمن إن الواخذ قوتك  
ناوى لموتك  
علّ فى صوتك .. كُب سكوتك  
وشك ضهرك  
ترمى فى زهرك  
تدب حظك .. ع اللى اكتظك  
كوم جهلك فيك قناطير  
وحذف آخر حتّه فى جسمك  
وش الشمس  
كش ..... خلاص

## مر النهار

الكل مستنى الفرار من نفسه ليه ؟  
متكفي فوق حجر الظروف  
بيعبي فيه  
عصف الرياح  
لا الموت بيرحل رحمه بيه  
ولا ها يناديه فى الليل صباح

ازاى هتشرق شمس يوم  
عتمته أسراه سفر  
فاضت على كل المسامع والحيطان  
حيات بتخفق كل يوم مليون نهار  
الكون عمار

وعمار يا دار الغرب فيكى

أهل دار

مر النهار

اتبدلت فينا السما

إلا أنا

عصفور وحيد

فارد جراحه للقدر

بيعد أوراد الحياه

بيشد فى زحام المواجه محنته

ولا مرّه يحنى جبهته

مؤمن بتوحيد الإله

مر النهار

لكن يا دوب بين النيام

## حاره سد

زى ما انت .. زى ما احنا  
زى ما الدنيا تزيحنا  
أو تبيحنا لأى حد  
ماله حد  
يا كل حد فى قلبى مد أدخله حتّه  
امسح دماى من السكك  
لنشوقها أامى تطب ساكته  
اعلن باني فى سفر  
ورجوعى متأخر شويه  
ارسم لى صورته بضحكتى  
احبك حكاية تشيل سعادتى ظلها  
وتقول لها : ابنك بطل  
ولا زيه حد



ما أنا أصلى ياما وعدتها  
تبقى الحبيب وأكون لها  
وتشوف تعبها بينبني  
ولا يترمي ع الأرض  
فرض عليّ فرض  
لو نهاشين الأرض  
شدوني منى شد  
ورموني حاره سد  
لارجع أعدنى حد  
يمنع طوفان الحزن  
يوصل لقلب امي

## كلنا فى الهم يوسف

ياريتها دامت مصطبه  
وحيطه نيه مرطبه  
تهفهف علينا فى عز صيف  
تلف بينا اللود شاي  
تحضن فى عصريه  
أمل بكره اللي جاي  
تعزف غناه  
يمكن يطيب جرحنا النازف حياه  
الشوق بيتدارى فى عيونا  
وعينا جارحه  
ماهى ياما عدت عمرها  
ما شافتش فرحه  
انا لسه شايف ستي وامى وهيا سارحه

عقد الغناوى فى صدرها وحبل المنى  
ومُصر فيه كام لقمه يتَقَوّت عليها النيل  
بتميل عنيفا الشمس تخطف منها بوسه  
تستخبي

تتده أبويا وجدى ترميلهم سلام  
تصب فوقهم من براعتها كلام  
ينساب قناية حب تروينا  
زمن الجفاف سنوات عجاف  
ازاى بنقدر نحتملها وننطلق  
من فقرنا ؟

مين حطنا ؟

يا أمنا

كونى لنا

مش بس واحد

كلنا

كلنا فى الهم يوسف

## ولدى أنا المولود

أبوك اللى عمره ما حسك  
غير واقت رايح منه  
بيلم صورة حسك  
يمكن يغادر همه  
أو قلبه مرّه يبص  
حال العكوت بينه  
رص قى دموعه رص  
طهر زقازينه  
يا بايعين الحب أولى اللى شارينه  
آمنت باللى خلق  
من دمعتى توبه  
ولدى أنا المولود  
على إيدك النوبه !!

## سلام العین

قلبی اتعصر فیکى  
كان المنى اسقىکى  
لو حتى من دمی  
سلمت لك سلمت  
يا كل طلة بنت  
مدت سلام العین  
يا قدس ارواحی  
باحلم وانا صاحی  
ومغمض الجفین  
كحلتهم یاما بتراب ارضیکى  
ودخلت دوامه قاصد ارضیکى  
طلعت بس أشوف  
لقیتى بره الشوف  
غریق بشط الخوف یا مین ینجیکى ؟

# حلوہ لوکا

افتحی باب قلب بابا  
امسحی بأستیکہ حزنه  
قولی زی ما کل مرّه  
هاقول — بابا :

بابا جه  
شوف یا بابا  
ماما .. ماما  
بالعصایه  
فوق صوابعی  
أوف یا بابا

— تعالیٰ لوکا حضن بابا

ہاتھی ایدک

أبوسها یلا

راح تخف

بس .. بس

ما ترعیش

واضحکی یا شمس بابا

تضحك الدنيا لبابا

— إه .. إه

مبسوط یا بابا

حلوه لوکا

## كلام عازل

خبر بيستتى الخبر ع الباب  
كدبة امبارح أتت  
اتوزعت فى كتاب  
رضعت نهود الأرض  
استوطنت بالعرض  
حطت كلام عازل  
حوط على الأولاد  
فى عز ما بيقتل  
بالضحكه بيغازل !!  
ويمد إيد بيضه  
يخطف حليب الصبح  
من خيمة الأيتام  
جانا الخبر عاجل  
طار الحمام زاجل  
حط الحمام غربان !!



## خرابات الروح

مين قال بإن العهر والطهر

استقوا في دارك ؟

وان الغريب الغريب

من طرح أشجارك ؟

واني أنا وياما من فلذتك

هنا

ما اتوجعت فيكي

علينا أوتارك

وكان رؤيانا

محاله لعنيكي

متعنونه صورك

متخرّبه روحك

وانا كل ما باروحتك  
بتروحنني أعذارك

يا أكل عيش سمّع  
زي ضرب النار  
وقلوب ولا تسمّع  
مهما آلامها تفور  
وعيون لضملمه وضملمه  
بتموت ببصة نور  
وانا بافترش خرابات  
قالوا انها روعي  
يا تعدّي من فوقى  
يا تطهري روعي  
أنا جرحي مش فيّا  
أنا جرحي كان انتي  
وانتى اللى منفيه  
ولا فيّا غير انتي

مين أسأله عني ؟  
مين ليّا ها يغني ؟  
لما الأمل يفتح  
درا عينه للأحزان  
وتكوني منسيه  
شجره بتشرب موت  
ظنك تكون حية !!

## امتی یا بیّا تحس ؟

حلوه المشاعر  
وانت شاعر من جليد  
بتشوف صور تحزن عليها أو عليك  
وتشوف  
ولا بتشوف عنيك  
إيه اللي بيها ؟  
كام مرّه عانت  
جوفها خالي م الأمان  
ورد مقطوف م الغيطان  
بايدین سفه بيطيروه  
وتسيب خياله يحوم بقلبك يفطرك ؟  
تعيشه لكن ع الورق

إنّ المحال بين الدروب الموجهه  
ترميك حتّت .. تحييك ألم  
ألم يأن لك تبقى حتّه من الجسد ؟  
مش بالجسد نجمع وبس  
الحياه جوّانا حس  
إمتى يا بيّا تحس ؟  
تحبل الشمس بوليدها  
تسئلّه فى الأرض نور  
الغياب يرجع حضور  
فوق رصيف الأسئلّه  
العطشانه حب  
بين تراب الأجوبه  
ينتفع حياه

## لمبة جاز

الليل طويل تحت لمبة جاز  
والشأى على منقذ قلوبنا  
وعبال ما صبح يخشنا  
نفرد حصيره من السمر  
نشبع قصص  
عن أمنا الغولة  
حدوة الجنيه  
اللمه ع الطبلية وهى بتتفرط أعجاز  
أز عى براح جدى  
لما الحرامى يفوت  
وأشعر دبيب رجليه  
ينادى : جدى مين ؟  
أبص له يضحك  
ويقول لى : ما تخفشى

دول اللي مش عايشين  
غير صورہ فى الضلمہ  
نرمح بقمرایہ  
نروى شراقى الأرض  
يمتد فينا النيل  
يكتب أمانينا  
فى وشوشنا وإيدينا  
والسنبلات الخضر  
ويوشوش الصيره  
وهي بتغازل سناره ملويه  
من بوصة الأحلام  
نشوى الحياه ع الصاج  
قلب الشقى أُمى  
وأبويا ع الجبهه  
مستتى ع الندهه  
بندعى ونكبر  
وهو بيسمى

ونعد في الأيام  
وتنام ولا بنام  
نكذب على روحنا ونصدق الكذبه  
وكمان نحامي لها  
تملاهم الضحكه على ناس بلا حكمه  
متعوبين يخسروا ويبرروا الموقف  
ويذيعوا في التلفاز :  
" تكفى محاولتنا  
الدنيا ظلمتنا  
حططنا ع الأنقاض  
ورمت لنا اللي فاض  
هذا فضلاً عن  
مزيداً من .. ومن  
فاصل نعاودكم  
نثبت لكم إننا  
رغم الغلط أفذاذ "



## أول مهزوم

نص الليل لما يفش عليك الباب  
وانت الباب الفاتح صدره على الأبواب  
تفقد كل ما فيك من رغبة  
حتى الرغبة بتحنى النظره  
تتده نظره يا رب لعبدك  
أنا متمزّع  
رغم شهادتى  
مشهود ضدى  
من لُهاث الأرض بحالهم  
واللى انتازل ياما اتعود  
ينزل ينزل ولا يطلعش  
غير فى النعش  
وهو بيرفع إيدى .. وداع

نص الليل الضلمه عيونه  
لَبَدَ في الخص  
وأنا عيني بريئه ولا بتبص  
كم عدّى عليّا دهسنى ما بص ؟  
كم هد النور اللي ساكنى ؟  
كم سكّن فيّا الأوجاع ؟  
كم طفش عصافير أحلامى ؟  
صياد اتعود صيده يجيله لغاية عنده  
إزاي أنا عنده ؟  
أول مهزوم من قبل ما يعلن عن نفسه  
أو يهرب فيه منه لنفسه  
أو يسأل عنه وصل ولا ؟  
أوصاله اتلضمت بمسله ؟  
في حارات الخوف  
ياما ما شفتش ؟

روحك بتشوف  
ازای بتلمك تتبعتر  
وتلمك تتبعتر أكثر  
وانت المفروض  
انك صاحی  
من كتر الهم بقيت  
تسكر  
وتفتش نفسك عن نفسك  
ولا توعى لشيء  
ولا تدرى بشيء  
غير نص الليل

## تصفیق حاد

لَمَّيتِ كراکِيبَ العمرِ فی جنب

وَرُحَّتْ فی جنب

اتَجَنَّبْتُ أبْصَرَ عَلَيَا

مدد مهزوم

با ارفع راسی أَخْبَى الحسره

لِیْهِ مافهمش ؟

لِیْهِ ما وصلش ؟

جِیتِ فی النشره

أنا مش منهم ولا راح اكون

توبهم مطلقاً علیهم بس

حتى كلامهم خالی الحس

رغم ده كله تصفیق حاد

حاد الدرب عن العباد  
بعثرها عيون  
بتمطر فيا لوحدى الحزن  
بتتفيني  
لجل اتنفس من كممتي  
أحس بقيمتي بدون ، وبدون  
بدون ترتيب السهم يصيب  
أزحل مجنون  
أحط أيديا .. اتأوب  
الاقى تصفيق حاد  
وانا المهزوم !!

## جهاد

أنا يا جهاد  
مش أول المارين بدربك  
ولا أول الساكنين حدودك  
ولا أول العاشقين لموتهم  
فى وجودك  
أنا بعض منى بتبدر  
مواويل فى أرضك  
يقطفك ألحان  
والبعض  
واقف يتعصر فى زحمة النسيان  
أنا صوتك المروى بجراءة كلمتك  
طلقائك المعجونه هم  
زخات عيونك  
فى قلوب النعسانين

فرط أوجاعك  
ما بين صيف المعانى والربيع  
يا كل ما فيكى يضيع  
أوثى جوايا وثب وحطى الأبعاد  
اكتبني واد  
على باب البلاد  
سكر مادريش  
أنا يا جميله فى حضرتك درويش  
شمس .. كل ما تتمحى  
فى الكون تبان  
ولا تنتهيش

## كرامله

رَج الدنيا بصوته  
وهز جبالها ، وفز  
ياه يا عيال الحاره تشوفه  
تهرب فيها لأى زقاق  
حتى يعدى  
واما تصادف فيه تتصادم  
يسكت كل ما فيها ويرجف  
يرفع إيده يطبطب فوقها  
خد ( كرامله )  
تهدى عواصف كل الحى  
تطلع شمس  
يمشى بسرعه بسرعه الأمس  
يخطف من روحه العكاز



يَتَسَنَّدُ عَلَى نَفْسِ الْحَيْطَةِ  
بِنَفْسِ الْحَارَةِ  
الْبَاصَةِ عَيْنَيْهَا عَلَى الْإِعْجَازِ  
أَد.. دد.. دد...دا  
وَيَا إِشَارَةَ يَا دُوبَ بِالْكَادِ  
تَقْهَمُ مِنْهَا إِرَادَةَ رَبِّ  
تَنْتَقِ سُبْحَانَ اللَّهِ أَجَازَ  
بَعْدَ الشَّدَّةِ الشَّدَّةُ الضَّعْفُ  
وَإِحْنَا الضَّعْفُ الْوَاقِفُ  
خَلْفَ مَرَايِهِ كَبِيرِهِ  
مَتْحَوِّطُنَا كَامَ بَرَوَازِ !

## ردّه

هزمتنى فيك الأسئله إياها  
حرمتنى اكونك أو تكونى  
رددت قصراً غناها  
انسحب صوتى ودنى  
انى ما فهمتش هواها  
يا البعيد اللى حضنى  
يا القريب اللى طعننى .. سابنى أنزف  
حتى ما فكر يشوفنى  
حُب هاننى وجوده فيّا  
قلب قلبى الـ كان صغير  
رغم عمره فى سماها  
ما سما بيّا محبه  
بس ردّه .. كنت عاجز احسها  
أعرف لغاها .. وانهزم من تانى فيك

## طلّة قمر

يا البنت يا ام الضفيره الحمرا سحرانى

زى الفصول حبها والكحل ربانى

طلتها طلة قمر

وقمرها ما بيغيب

ماء الحياه انهمر

فى ضيها وجانى

نادت عليا الولد

يا أعز مين جانى

مالى بحبك جلد

رغم الصدود جاني

وحملت فيك الوطن

ولا مرّه أعيانى

غير وانت هاجرني

وانا بندهك يا حبيب

## الحى أبقى

التوهه فى وشوش البلد  
شقت طريق  
الكل فى عرض البلاده مستمر  
ولا فيش مفر  
اتحشرج الصوت المغنى  
وصبح تمنى  
الميت المصلوب يفوق  
ويشد أكفانه بإيديه  
طب ليه من الأول رضح ؟  
يبقى تحت وهم فوق  
كان احتمال الذل فوق المنتهى  
الكل شايل فى الحشا حتى انتهى  
صرخ فى لحظة  
ما ابتدا الصوت انتهى

التوّه حطّت أرضنا

غادرت قلوبنا منّا

سكنت هناك

ومازلت أنا واقف هنا

با احضن في بصّات الألم

أروى العطاشى فى حيننا

يا حيننا الميّت فى جلدك

خدنى جنبك

الحى ابقى

وانت عاشق للهلاك

## نبتدى منين الصحاب ؟

أصحاب هنا  
وهناك ما فيش  
أصحاب لحد ما نتورب  
نبدأ نعيش وكأنا  
ولا صحبه بينا  
تستحق ما تنتهيش ؟  
أصحاب على كرسى فى قهوه  
شاطين  
ولما الدنيا تهوى جرحنا  
نغمس همنا بالشاي  
ونتقضى بطلب ينسون  
ويا آخر شفته روحنا تهزنا  
نلمح الأيام بتعجن منا ضى  
يكون دليل

أصحاب على باب الأصيل  
يا الورد متحنى بليل  
فى ظفرة الصبح الرهان  
إنسان وطن  
ولا يوم صلب فى مهب ربح  
من غير صاحب  
ولا دق طيش  
قلب فيه الطير سكن  
شدو الحياه أوجاب  
أصحاب عتب ستر وغطا  
الأوفى فيهم مين عطا ولا كل ؟  
با اعتب على الحرف اللى زل  
ما فى بعد الود خل  
ما فى تحت الضل صعب  
بدون صعب  
والصعب نعرف :  
نبتدى منين الصحاب ؟

## هم القلوب

— ١ —

هم القلوب البكر بجرحها الواسع  
أهون من التتقير  
على باب كتاب العشق  
وصفحته المسكونه بالموت  
الحياه  
طعم الحروف المرّ أشهى  
من زنازن شهدها الفياض  
ورحابة الخوف المتاه  
ليلك بينزف غطرسه ع الأرض  
وانت اللي حبك خطى فيك الفرض  
أوعاك تطاطى لقوّه مهزومه  
خليك قوى لو بس  
صُنّت فيك العرض



— ٢ —

بأى مكان ما هـش قارقـه  
فى أى زمان أسى وفرقـه  
فى قلبك ياما باتمشى  
أخذنى لأخر الطرقـه  
تضيق حبه ورا حبه  
لحد ما احسها إنتي  
براح فضفاض لروح عاشقـه

وليه ديمًا بكون ضلك  
ولا أوصلك ؟  
أفرقني على خلك  
وأنا خلك  
أقيد لك وناسات قلبي  
فتطفى الحب جوايا  
أهون لك تباريحك  
فترميني بعيد ريحك  
وأنا ريحك  
ولو يهزمني زلزالك  
ما همكن غير مطاريحك

الكلمه فيّا شروخ  
يا ترجعيلي النداء  
ياخذ بايدي أشوف  
يا تكملني ردمك  
على باقي أنفاسي  
يا تتفضي حضنك  
من غبار الروح  
يعني اما بيا تضيق  
لمين بهمي أبوح ؟  
ولا اشتكى منك  
ما أنا برده هاشكيك

— ۵ —

وايه معنى الفرح  
من غير ما تفرح بيه ؟  
روحك  
لو بعيد عنك  
تساوى إيه ؟

أنا الإبن اللى لسه مازال  
بيعشق أم مش عارفاه  
ولكلاب السكك رمياه  
وهى معاها مش فارقه  
أنا الغارقه اللى قشتها  
بنقسم ضهرها نصين  
نص بيبنى ضليله تلازمها  
ونص بيتفرد سكه  
عليها تقوت -

— ٧ —

العصر بيدن  
واحنا بندن  
مين راح يسمع  
غيرنا  
ويدن ؟

لَمَّا تَشِيْلِكْ مِنْكَ  
تَرْضَى الدُّنْيَا عَلَيْكَ  
لَمَّا تَحْطُكْ فِيكَ  
تَتَّهَدُ حَيْطَانَهَا  
وَفَوْقَكَ تَبْنِي غَضْبَهَا  
وَمِمَّنْ أَغْضِبَهَا ؟  
لَمَّا يَمُرُّ عَلَيْهِ وَيَدْوَرُّ  
وَلَا يَلْقَاهُ  
يَبْقَى النُّورُ قَدَامَهُ  
وَيَقْعُدُ يَسْتَنَاهُ !

— ٩ —

ترجم الدنيا بمشاعره  
أكد بأن الصدق شاعره  
يوم ميلاد الحب غنى  
كل بيت في الشعر شيعره



— ١٠ —

أنا كل ما اغلط أطلبك

يديني مغلق

غير متاح

شموع وضاعت من عدم  
من غير سواعد أو قدم  
وقلوب بتتحدى الندم  
يوم ع الحياه  
وعزيمه معجونه بألم  
لا بتتحنى ولا تنهزم  
بتسابق الليل تقهره  
والعاصى فيها نصيره  
آيه من آى الإله

يا انتظر الصبح  
الصبح انتظر  
يا ارتحال العمر  
العمر ارتحال  
يا اختبار الصبر  
الصبر اختيار  
يا انتحار الظلم  
الظلم انتحار  
يا اندعاث العدل  
العدل انتصار  
ياما واقف في الميدان  
بانتظار الانفجار

— ١٣ —

الصبح رقرق من عيونك  
ارتعش غصن الكلام  
فتّش على حروف الجراءه  
اترججت طياته فيه  
حس انهزام  
كان حلم ليه !! ؟

إن كان خطيئه الحب  
أنا أول الخاطين  
إن كنت ذنب لقلب  
قلبي في هواكى سجين  
إن كنت صدر حنون  
حطيني فيه ضلعين  
إن فتى ع العطشان  
أمانه  
نظرة عين

- ٢٥ -

الأرض الماده جدورها فى قلبى  
غريبه عليا  
معرفش انا حبى اتغير ليها  
ولا اتبدل حبها هي ؟

— ١٦ —

فيه حاجات ياما أهم  
لما تتحتم عليك  
يصبح العادى مُهم  
حتى إن أقل منه  
ساعات كثير  
بيكون أهم  
إنت فين من كل دول ؟  
ولا يمكن مش مهم

— ١٧ —

لَمَّا كَانَ الْبَدْءُ كُنَّا  
وَالنِّهَايَةَ فِي عِزِّ كُنَّا  
أَحْنَا وَالْدُنْيَا مَا كُنَّا  
غَيْرَ يَا دُوبَ عَابِرِ سَبِيلِ



— ١٨ —

با اشوفك من أى اتجاه  
با احسك وف كل اتجاه  
حتى فى سكون الكون  
بتهدى  
روحى إكسیر الحياه

— ١٩ —

كنت بتخيل كلامك في السكوت  
ولا كنتش اعرف  
إني أول ما اسمعك  
أتمنى اموت  
بين شفایفك والحروف

— ۲۰ —

نهز ازای غُنا الینابیع ؟

نورَد منه جنتنا

ونبدر عمرنا ونبیع

لکل اللی اعتلی بیتنا

یمر زمان

یضیع الحب حاصل ضرب حسبنا

کل ما اعتر غصب عنی  
قلبی یصرخ قیاً : أخ  
یجری پسند ضهری اصلب  
أی شیء ما یساوی أخ  
یا ما عدوا علینا واحنا  
زی ما احنا  
ما فینا أخ  
هُنَّا لَمَّا نَادَوْنَا ( انت )  
ایده وحیده ازای تطخ ؟

— ٢٢ —

أنا لا أنا فيّا  
روحى لكل الناس سايعة موفّيه  
متعوده الإخلاص  
جواها بنيه  
بنيه جمعت بحب  
والحب بنيه

— ٢٣ —

مش نهاية الدنيا تخسر  
لو فهمت تكون بدايه  
يا ما مكسب غوى صاحبه  
حتى أصبح له نهايه

لو سألت العالم اللي بعلمه داوى  
راح يقول لك :  
ياما تهت  
ما بين حروفي فى القرابه

سألت طوب الأرض  
شتايا عايزينه ؟  
قالوا جفافنا فرض  
وميتك طاهره  
واحنا اللي ينبت بينا  
لابد يشبهنا  
يا يكون علينا حرام  
لا مباع ولا للعرض  
جربت هرى الجوع  
وشربت م المنقوع  
الخوف لتعدينا  
احذر من الممنوع  
وانشد وطن تانى

الغربه مش تباريح  
ولا دمع فينا صريح  
ولا سكه منسيه  
الغربه هجّت ريح  
تقلّلك منك  
وتسلّمك للغير  
حتى بدون تصريح  
تفتح نيرانها عليك



— ٢٦ —

كان ممكن اسمع  
أى كلمه لأى حد  
انت لأ  
كلمتك خشت فؤادى  
سهم نادى  
مُت منه  
ما شُفت سینه  
بس شفتك وحدك انت

# مكتوب أخير

لساك بسيط  
حتى فى غياب الأسئلة ؟  
حتى اما تحلم مرّه حلم عزيز عليك ؟  
غمض عينيك  
استنى فيك  
كل اما يبلغ منتهاه  
خط النجاه ..  
واقف هناك  
وهناك ما فيش  
نفسك تعيش ؟!  
طب ايه بيمنع تبقى نفسك ؟  
غيرك انت ولو عبيط  
مفهمتش امتى وفين تكون  
مع مين ؟ وضد ؟

وبعد إمتى ها تبنى كون ؟  
اتمرجحت ببيك الحيل  
بدلت قلبك بقلب  
خالى الوفاض من أى حب  
بدأ السباق  
ومازلت فيه  
مكتوب أخير



## الشاعر

- صبحي محمد علي سعيد
- مواليد ١٩٧٣ / كفر الشيخ / قرية المربعين
- لسانس حقوق جامعة القاهرة
- عضو اتحاد كتّاب مصر
- رئيس نادي أدب كفر الشيخ
- عضو جمعية أصدقاء صالون القرضا الثقافي

## إصدارات :

- مولد / شعر / دار الإسلام / ٢٠٠٦
- ميّت جديد / شعر / دار بلال / ٢٠٠٨

ت : ٠١٠٨٤٠٧٤٤٨

## القصائد

٥	اشتباه .....
٧	إنسان .....
٩	شهد من ملح الحياة .....
١٢	إعلان وجود إنسان .....
١٤	العيد .....
١٥	صباحك شعر .....
١٧	صحيح خايف .....
١٩	طرح الشجر والبحر .....
٢١	عهد العبيد .....
٢٣	قلب الجيل .....
٢٥	لحظة ميلا الحرف .....
٢٧	مسحراتي الحب .....
٢٩	تعلن وطن .....
٣١	حورية .....
٣٣	وش الشمس .....
٣٤	مر النهار .....
٣٦	حارة سد .....

- ٣٨..... كلنا في الهم يوسف
- ٤٠..... ولدي أنا المولود
- ٤١..... سلام العين
- ٤٢..... حلوة لوكا
- ٤٤..... كلام عازل
- ٤٥..... خرايات الروح
- ٤٨..... إمتى يا بيا تحس ؟
- ٥٠..... لمبة جاز
- ٥٣..... أول مهزوم
- ٥٦..... تصفيق حاد
- ٥٨..... جهاد
- ٦٠..... كراملة
- ٦٢..... ردة
- ٦٣..... طلة قمر
- ٦٤..... الحي أبقى
- ٦٦..... نبتدي منين الصحاب ؟
- ٦٨..... هم القلوب
- ٩٤..... مكتوب أخير

رقم الإيداع بدار الكتب

٢٠١١/٨٢٩١

ترقيم دولي I.S.B.N

978-977-374-759-1

دار الإسلام للطباعة والنشر

٠١٢٢٦١٤٣٦٣ - ٠٥٠ / ٢٢٦٦٢٢٠

ayman\_eid\_74@yahoo.com





شاييلين احلم ال ياما انهد  
 بتنادى الفارس ؟  
 طاب مين هايسد فى وقت اجد ؟  
 بحس الأرض ؟  
 ويفرد فوقها جناح الغيم ؟  
 يروى ضميرها أدان بأدان  
 يزعج فيها سلام فدايين  
 على آخر حقه من الموائيق  
 اخلف خلاف  
 اللقه كحاف !

العصر طواف  
 لكن حوالين حبة مساحيط  
 الكون قرايين  
 بيوزع منه عليه بالدين  
 ويا الرلحين حلم اجمايين  
 شاخص بروحين  
 طلقة إنسان



717  
 213

Bibliotheca Alexandrina



1032704